



Broj: 06-06-2-1073-2/24
Sarajevo, 23.10.2024. godine

Predmet: Javni poziv za upis kandidata u novi ciklus „FIATA škole špedicije“ – školska 2024/ 2025. godina

Poštovani/a,

Vanjskotrgovinska komora Bosne i Hercegovine objavljuje javni poziv za upis kandidata u „**FIATA školu špedicije**“ (ciklus za školsku 2024/2025. godinu).

Proces edukacije u okviru „FIATA škole špedicije“ realizira se kroz četrnaest (14) modula nastavnog plana i programa, u skladu sa standardima Međunarodnog saveza špediterskih udruženja (FIATA), a uključuje sljedeće module:

- Uvod u špediterstvo
- Pomorski transport
- Kontejnerizacija i kontejnerski transport
- Zračni transport
- Cestovni transport
- Željeznički transport
- Intermodalni i multimodalni transport
- Nacionalni/međunarodni prijevoz tereta unutarnjim plovnim putevima
- Carinske procedure i INCOTERMS
- Logistika
- Skladištenje i distribucija
- Transportno osiguranje
- Transport opasne robe
- Informacijske i komunikacijske tehnologije (ICT) u špediterstvu

Nakon što kandidati odslušaju nastavu, organizira se polaganje kvalifikacijskih ispita za svih 14 modula, te finalnog ispita na kraju škole. Svi kandidati koji ispune obaveze u pogledu zadovoljenja kriterija ispita, ostvaruju pravo na izdavanje prestižne FIATA diplome, međunarodno priznatog i prepoznatog dokumenta koji služi kao dokaz posjedovanja stručnih kompetencija iz onih oblasti koje čine nastavni program škole.

Šta je FIATA?

FIATA je Međunarodni savez špediterskih udruženja kojeg su 31.05.1926. godine u Beču (Austrija) osnovali međunarodni špediteri. Sjedište FIATA-e je u Švicarskoj, a ona danas obuhvata približno 40.000 špediterskih i logističkih preduzeća, te zapošljava oko 10 miliona špeditersko-logističkih stručnjaka u 150 država. Više informacija možete pronaći na internet stranici www.fiata.com



Šta je „FIATA škola špedicije“?

„FIATA škola špedicije“ je program edukacije namijenjen uposlenicima kompanija iz oblasti špedicije, logistike, vanjske trgovine, transporta, izvoznima, uvoznima i osobama koje žele da se profiliraju u navedenim oblastima. VTK BiH uspješno organizira „FIATA školu špedicije“ na osnovu postojeće akreditacije VTK BiH kod Međunarodnog saveza špediterskih udruženja (FIATA), za koju naša institucija prolazi složeni proces re-validacije svake 4. godine. S tim u vezi, imamo obavezu da inoviramo nastavne planove i programe, kako bi polaznici škole bili upoznati sa najaktuelnijim temama i oblastima iz modula koji čine „FIATA školu špedicije“.

VTK BiH za potrebe škole priprema vlastitu literaturu i prezentacije, kako bi se i u tom pogledu ispoštovali svi zahtjevi i standardi koje pred nas postavlja Međunarodni savez špediterskih udruženja (FIATA). S ciljem što kvalitetnije realizacije nastave, angažujemo predavače koji su eksperti u ovoj oblasti i koji su kroz naučni rad i praktično poznavanje tematike dali značajan doprinos razumijevanju materije koja čini jezgru nastavnog plana i programa škole.

U proteklih 17 godina, koliko dugo radimo na realizaciji „FIATA škole špedicije“ i promoviranju značaja stručnog osposobljavanja u oblasti špedicije, logistike, vanjske trgovine, transporta, izvoza, uvoza i generalno kretanja robe, ponosni smo na broj od preko 500 polaznika škole. Ti polaznici su danas ponosni vlasnici prestižne FIATA diplome iz Švicarske.

Kako bi išli u korak sa ekonomskim rastom i razvojem, te uvođenjem naprednih tehničkih procedura kao što su e-trgovina, e-Freight i e-logistika, od apsolutne je važnosti da se industrija i kompanije mogu osloniti na kvalifikovane i obučene eksperte. Koncept cjeloživotnog učenja, koji je definisan kao "sistemsko održavanje i unapređenje znanja, vještina i kompetencija kroz cijeli radni vijek", predstavlja preduslov za uspjeh industrije.

Kada počinje nastava i kako izgleda dinamika realizacije nastave?

Predviđeni početak nastave za školsku 2024/2025. godinu je kraj novembra/ početak decembra 2024. godine. Dinamikom realizacije „FIATA škole špedicije“ predviđena je organizacija ukupno 14 modula kroz vremenski period od cca. 7 mjeseci, pri čemu realizacija jednog modula traje jedan radni dan.

S tim u vezi, ukupno trajanje škole je 14 dana, pri čemu se držimo dinamike koja predviđa realizaciju 2 modula mjesečno (2 modula/dana mjesečno x 7 mjeseci = 14 modula/dana). Predviđeni završetak škole je planiran u julu 2025. godine, a detaljna dinamika realizacije nastave (sa satnicom) biće dogovorena direktno sa prijavljenim polaznicima škole.

Na koji način se održava nastava?

Nastava će se održavati u prostorijama Vanjskotrgovinske komore BiH, a u slučaju pogoršanja epidemiološkog stanja nastava će se održavati online putem Zoom aplikacije.

Organizator će pratiti razvoj situacije sa pandemijom koronavirusa (COVID-19), te u slučaju da na snagu stupe mjere (naredbe) nadležnih kriznih štabova koje ograniče ili zabrane javna okupljanja, VTK BiH zadržava pravo da održavanje nastave u okviru škole realizira isključivo u online formatu.

Kako se prijaviti?

Prijava učešća u „FIATA školu špedicije“ se vrši popunjavanjem **online prijavnog obrasca** najkasnije do srijede, 20. novembra 2024. godine do 15:00 sati.

Za učešće u „FIATA školi špedicije“ je predviđena kotizacija u iznosu od 1.800,00 KM (cijena s PDV-om), uz mogućnost plaćanja na 3 rate po 600,00 KM, pri čemu je prvu ratu potrebno uplatiti prije početka nastave. U cijenu kotizacije je uključeno:

- Edukacija u skladu sa nastavnim planom i programom (14 modula/dana)
- Priručnik „FIATA škola špedicije“
- Elektronske prezentacije (14 modula)
- Pribor i radni materijali
- Osvježenje na pauzama
- FIATA diploma iz Švicarske (dodjeljuje se nakon položenog finalnog ispita)

Nakon izvršene prijave, kontakt sa polaznikom preuzima voditelj projekta sa potvrdom prijema prijave i daljim uputstvima.

Vaša kontakt osoba za sve dodatne informacije u vezi sa školom je Asim Kraković, voditelj projekta „FIATA škole špedicije“ u Institutu za edukaciju VTK BiH.

Kontakt telefon: 033/566-206 i mail: asim.krakovic@komorabih.ba

U nadi da ćete prepoznati značaj ove edukacije i da ćete i Vi postati dio velike FIATA porodice, srdačno Vas pozdravljam.

S poštovanjem,


Sabrina Teskeredžić
Vanjskotrgovinska komora BiH
Institut za edukaciju
Direktorica